

HITZ BITAN

BOLI KOSTA

Frantziak laguntza militarra eskaini du

Frantziak laguntza militarra eskaini dio Boli Kostari, baina soldadu horiek ez dira borrokatuko matxinoen kontra. Ekialdeko Afrikako Komunitate Ekonomikoa osatzen duten hamabost herrialdeek presazko bilera egingo dute gaur, Laurent Gbagboren gobernu babesteko. Matxina-tuek, dena den, Bouake ez ezik, Korhogo, Odiene, Pogo, Ferkessedougou, Ouan-golodougou eta Nielle mendean dituzte, Boli Kostako iparraldeko hiri nagusiak.

TURKIA

Poliziak hamabost kilo uranio atzeman ditu

Turkiako Polizia paramilitarrak hamabost kilo uranio harapatu dizkie bi gizoni. Sanliurfako Poliziak atzeman zuen uranio zatia eta bost milioi dolar inguru balio zuen. Poliziak Europa ekialdeko herrialderen batean saldu zietela uste du eta ekintza militarretan erabiltzeko modukoa zen uranioa. Turkiako Poliziak iazko azaroan kalitate bereko beste uranio kilo bat atzeman zuen.

EKIALDE HURBILA. Atzo bi urte bete ziren Al Aksako intifada piztu zela

Matxinadarekin aurrera segitzeko asmoa duela agindu die Jasser Arafatek palestinarrei

Erredakzioa | DONOSTIA

Atzo bi urte bete ziren oraingo Israelgo lehen ministro Ariel Sharonen Jerusalemgo Meskiten Zelaiunera bisita egin zuenetik. Bisitak hainbat istilu eragin eta gerora Al Aksako intifada deritzona piztu zuen. Urtemugaren haritik, atzo PAN Palestina-ko Aginte Nazionaleko presidente Jasser Arafatek intifadarekin segituko duela agindu zien palestinarrei.

Al Aksako intifadak bi urte egin zuela gogoratuz atzo Israelgo Armadak setiatuak duen PANen Ramalako Mukata egoitzatik Jasser Arafatek telefonoz azpimarratu zuenez, «helburuak lortu arte jarraituko du intifadak». Gaza hirian Palestinako Kontseilu Legegilearen aurrean bildurik zeuden 30.000 palestinarri mintzatu zitzaizen PANeko presidente setiatua. «Leku santuak okupatzen dituen etsaiaren [Israel] kontra borrokatzen diren palestinarren sarituko ditu Alak», agindu zuen.



CHARLES DHARAPAK / AP

Gazan intifadaren urtemuga gogoratzeko atzo eginiko manifestazioa.

Bien bitartean, arabiarrek ez datoz bat intifadarekin segitzeko komenigarritasunaz. Batzuek diote intifada militarizatzeak giza kalteak eta okupazioa areagotzea ekarri duela. Beste batzuentzat, aldiz, estatu

palestinarra eratzeko beharra nabarmendu du.

Atzo manifestazioak egin ziren Palestinan zein mundu osoan, oldarraldiaren urtemuga gogoratzeko. Soldaduek bi palestinar hil zituzten Gazan.

INDIA-BANGLADESH

Hamalau pertsona hil dira mitin batean

Hamalau lagun hil ziren atzo Lucknowen (India) izan zen mitinean, abalantxen ondorioz. Lal Krishna Advani lehen ministrordea entzun eta etxerako tren hartzeraz zihozten 150.000 pertsona izan ziren eragileak.

Bestalde, Bangladeshen hamar lagun hil eta 200 zauritu ziren, lau lehergailu zartatuta. Bi bonba lehertu ziren zinema batean, lehenik, eta minutu batzuk geroago beste bi lehertu ziren, zirku batean. Oraingoan inork ez ditu aldarrikatu erasook.

AFGANISTAN

Kabulen lehergailu bat zartarazi zuten atzo

Kabulgo okindegi baten alboan lehergailu bat zartatu zen atzo. Afganistango presidentearen eledun Omar Samaik esan zuenaren arabera, «eraso terrorista» izan zen eztanda. Leherketak inor ez zuen ez hil ez zauritu eta Poliziak ez daki oraindik nola osaturik zegoen lehergailua. AEBek Kabul enba-xadatik 150 metrora lehertu zen bonba.

GRADUONDOKO TITULUAK

HIZKUNTZA, INFORMAZIOA ETA KOMUNIKAZIOAN

ILCLI



Universidad del País Vasco Euskal Herriko Unibertsitatea

2. promozioa (2002-2004)

(Unibertsitate-espezialista eta Unibertsitate-masterra)

Egunkaria

EHUko ILCLIk eratua EUSKALDUNON EGUNKARIArekin lankidetzan

EGITARAUA

(kreditu teoriko bakoitza 10 eskola-orduri dagokio)

2002-2003 IKASTURTEA:

1. Euskararen erabilera komunikabideetan.
2. Euskal Herriko ekonomiaren egoera gaur egun.
3. Hitzaren estrategiak komunikabide zahar eta berrietan.
4. Komunikazioaren psikologia.
5. Komunikabideak eta iritzi politikoa.
6. Informazio eta komunikazioaren produkzio multimediatikoa.
7. Gure kazetagitza hizkerak.
8. Informazioaren aurkezpen era berriak.
9. Komunikabideen eragina gizartean.
10. Euskalgintza eta euskararen bilakaera aro garaikidean.
11. Komunikazioaren etika.

2003-2004 IKASTURTEA:

1. Komunikazioa Internet sarean.
2. Erretorika komunikabideetan.
3. Komunikazioa, informazioa eta esanahia: ageriko eta ezkutuko komunikazioa.

4. Komunikazio kabineteak eta prentsa arduradunen zeregina.

5. Gizarte ikerketarako teknikak.
6. Komunikazioaren estetika.
7. Ikus-entzunezkoaren arautzea eta komunikazio-enpresen egitura: azken urteotako joerak.
8. Komunikazio esparrua.
9. Telebistaren bilakaera Euskal Herrian.
10. Euskal sistema politikoaz.
11. Gizarte psikologia eta iritzi publikoa.

IRAKASLEAK

Josu Amezaga, Edorta Arana, Irene Arraras, Patxi Azpillaga, Xabier Barrutia, Andoni Egaña, Helena Franko, Matxalen Garmendia, Joserra Gartzia, Mikel Haranburu, Joxe Jabier Iñigo, Ander Iturriotz, Koldo Izagirre, Yolanda Jubeto, Kepa Korta, Jesus M. Larrazabal, Xabier Lekuona, Anjel Lertxundi, Solange Mariluz, Jesus M. Mujika, Martxelo Otamendi, Simon Peña, Patxi Petrirena, Maje Saez, Andoni Sagarna, Jose Valencia, Mario Zubiaga, Mikel Zurbano

LAN PRAKTIKAK

EUSKALDUNON EGUNKARIArekin egingo dira praktikak

ORDUTEGIA

2002ko azaroan hasi eta 2002ko ekainean bukatuko dira. Ostiraletan (arratsaldeko 16:00etatik 20:30era) eta larunbatetan (goizeko 09:00etatik 13:30era).

TOKIA

ILCLI institutua.

IZEN EMATEKO EPEA

2002ko irailaren 30 arte.

BESTELAKO DATUAK

Bekak egongo dira Masterra egiten dutenek EUSKALDUNON EGUNKARIArekin lan poltsa osatuko dute

INFORMAZIOA ETA IZEN EMATEA

ILCLI. EHU, Villa Asunción
Jose Elozei alkatearen hiribidea 275, 20015 Donostia
Telefonoa (goizeko 09:00etatik 13:00era): 943-017451
Internet: <http://www.sc.ehu.es/ilcli>